

84. “ Quare hæc armilla rursus jungatur cum brachio tuo valente, usque  
“ ad genu dependente, nervi ictuum cicatricibus notato, quod obicis instar  
“ terram defendit.

85. “ Neque, rex, hanc sororem meam juniorem, KUMUDVATIM, repu-  
“ diare velis, quæ in longum tempus pedum tuorum servitio meam offen-  
“ sionem expiabit.”

86. Ita locutus cum armillam reddidisset, KUMUDAS regem, qui respon-  
dit: “ exoptatus tu mihi affinis es !” rite conjunxit cum puella, quæ familiæ  
suæ decus erat.

87. Cum rex puellæ manum, brachiali e lana fausta facto cinctam, ad  
matrimonium ineundum coram igne ardente arriperet, divinorum instrumen-  
torum clangor ortus est, plagarum fines personans, atque deinde nubes  
miræ dejecerunt flores, odorem spargentes.

88. Ita cum serpens RĀMÆ, mundi tergemini domini, filium, e SĪTA  
natum, affinem adeptus esset, atque KUSAS quintum illum TAKSHAKÆ  
filium, ille abjecit timorem *Garudæ*, propter patris cædem sibi infesti, hic  
vero a civibus amatus gubernavit terram, in qua serpentes erant placati.